

Wartawan BH,  
bergambar bersama  
penduduk Rohingya  
di Myanmar

**EKSKLUSIF**



**'Kami dilayan  
seperti haiwan'**

# » Etnik Rohingya sanggup tempah maut keluar dari Myanmar

Oleh Syed Azwan Syed Ali  
syedazwan@bh.com.my

Kuala Lumpur

**K**ami sanggup buat apa saja untuk keluar dari Myanmar daripada nelayan seperti haiwan,” kata pelarian etnik Rohingya dari Kyaukpadaung, Yusof Sultan, 58. Yusof yang juga nelayan menemuh perjalanan lebih dua minggu persesak-sesak seperti sardin di dalam sebuah kapal dari pekan Kyaukpadaung sebelum belayar dari pelabuhan ke pelabuhan di Yangon dan Thailand, sebelum tiba di Bangkok, pertengahan tahun ini.

“Dalam kapal, ada

berpuluh-puluh keluarga. Semuanya ketakutan dan hanya mahu keluar meninggalkan Arakan,” katanya. Yusof antara 26,500 etnik itu yang dipaksa meninggalkan rumah mereka di barat Myanmar sejak krisis memuncak Oktober tahun lalu.

Yusof berkata, beliau dan isterinya, Fatimah, 56, membuat keputusan meninggalkan Kyaukpadaung selepas hampir semua rumah di perkampungannya dibakar kumpulan pelampau.

Ketika ditemubual di sebuah pangsapuri di Cheras di sini, baru-

baru ini, Yusof dan keluarganya baru saja keluar dari Depoh Imigresen setelah selesai diproses Suruhanjaya Tinggi Pertubuhan Bangsa-Bangsa Bersatu Mengenai Pelarian (UNHCR).

Sekurang-kurangnya ada lima keluarga menumpang di rumah pangsa itu yang turut didiami anaknya, Rohimuddin Yusof, 26, serta isteri, yang tiba di negara ini tujuh tahun lalu.

## Mahu cari perlindungan

“Kami datang sini bukan mahu wang atau makan tapi cari perlindungan. Kami tiada harapan di Arakan,” kata Yusof sambil percakapannya diterjemah Rohimuddin.

Rohimuddin yang hanya mempunyai pendidikan agama, berkata beliau terpaksa lari dari Myanmar tujuh tahun lalu selepas pihak berkuasa mahu menangkapnya kerana kesalahan keluar ke Yangon untuk menyambung pengajian.

“Berpuluh-puluh tahun kami ditindas. Orang Rohingya dilarang keluar dari kawasan kami,” katanya yang turut dipenjarakan sebelum bapanya menghantar beliau lari ke Malaysia melalui Thailand.

## Pelarian tanpa negara

Rohimuddin berkata, walaupun etnik Rohingya berstatus pelarian tanpa negara dan tidak mempunyai dokumen, mereka masih boleh melakukan pelbagai kerja untuk sesuap nasi di negara ini.


Kebanyakan pelarian Rohingya yang ditemubual penulis memberitahu sanggup melakukan apa saja untuk datang ke sini kerana mempunyai kenalan atau saudara di sini selain adanya Pejabat UNHCR.

“Malaysia juga negara Islam, kami orang Islam yang harap simpati saudara Islam di sini,” kata Yusof yang berhasrat pulang ke Myanmar jika keadaan semakin baik.



“**Kami datang sini bukan mahu wang atau makan tapi cari perlindungan. Kami tiada harapan di Arakan”**

**Yusof Sultan,**  
Pelarian etnik Rohingya



“**Berpuluh-puluh tahun kami ditindas. Orang Rohingya dilarang keluar dari kawasan kami”**

**Rohimuddin Yusof,**  
Pelarian etnik Rohingya





**40,000**

pelarian

pelarian etnik  
Rohingya di Malaysia

**30,463**

berdaftar

dengan UNHCR  
sehingga Ogos lalu

# Malaysia dianggap negara 'bersimpati'

BH 9/2/13  
MS 13.

● Dari muka 1

Peningkatan kebanjiran pelarian Rohingya dikaitkan dengan konflik etnik dan situasi tidak menentu di Wilayah Arakan, Myanmar.

Temubual BH dengan pelarian Rohingya yang baru memasuki Malaysia beberapa bulan lalu mendedahkan mereka masuk melalui jalan darat atau laut.

Mereka memilih Malaysia kerana menganggap negara ini sebagai 'bersimpati' dengan mereka, selain mempunyai saudara mara atau kenalan di sini sejak sekian lama.

## Tak iktiraf pelarian

Temu bual dengan etnik Rohingya di tiga kem pelarian dalaman di Sittwe, Rakhine (Arakan), Myanmar, mendapati majoriti memilih Malaysia kerana beberapa faktor, antaranya Malaysia negara Islam, kedudukan geografi dan kehadiran agensi UNHCR.

Kebanyakan mereka juga mempunyai gambaran bahawa Kerajaan Malaysia 'tidak menolak atau menerima Rohingya' tanpa mengetahui bahawa negara ini sebenarnya tidak mengiktiraf pelarian kerana Malaysia tidak menandatangani Kon-



Sumber agensi penguatkuasaan kerajaan mengakui peningkatan pelarian Rohingnya yang menjadi mangsa pembersihan etnik di Myanmar akan membawa implikasi sosial, ekonomi dan keselamatan kepada negara.

“Ia juga menimbulkan masalah kepada penguat kuasa,” katanya yang membandingkan ada kalangan pelarian seolah-olah menjadikan kad pelarian UNHCR sebagai lesen besar untuk bergerak bebas dan melakukan apa saja.

“Mereka seperti kebal daripada undang-undang kita,” katanya menegaskan isu itu bukan hanya membabitkan Rohingnya tetapi etnik Myanmar lain yang turut memegang kad UNHCR.

**Tiada kerangka undang-undang**

Jurucakap UNHCR, Yante Ismail berkata, ketiadaan kerangka undang-undang menyukarkan usaha menangani isu pelarian dan membuka ruang kepada keadaan tidak menentu.

Katanya, isu pelarian bergerak bebas adalah fakta penting yang perlu diam-bilkira.

Peningkatan jumlah pelarian, menimbulkan persoalan mengenai keberkesanan dasar kerajaan dalam menangani isu pelarian Rohingnya yang datang ke negara ini sejak awal 1990-an.

Menurut mereka, sudah tiba masanya kerajaan melakukan sesuatu yang konkrit menggunakan platform antarabangsa, seperti ASEAN bagi menangani isu itu.

Malaysia pernah mencapai kejayaan menangani 250,000 pelarian ‘orang hanyut’ Vietnam pada 1975 hingga 1991 yang ditempatkan di negara ini sebelum dihantar pulang ke negara asal atau negara ketiga.

“Mahu tidak mahu, sesuatu perlu dilakukan kerana mereka berada di kalangan kita sejak 30 tahun lalu,” kata Timbalan Presiden Malaysian Relief Agency (MRA), Dr Ishak Mas’ud.



**Etnik Rohingnya melarikan diri ke Malaysia** untuk mendapat perlindungan daripada mangsa pembersihan etnik di Myanmar. [FOTO FARIZUL HAFIZ AWANG/BH]

**Cara guna aplikasi AR bagi ZOOM video**

